



Th. syst. 4^o 12

Th. 4^o

620


N. 280.
bibl. schol. Luc.

wie gar gfarlich sey. So ein Priester kein Ee-
 weyb hat. wye unchristlich und sched-
 lich cym gemeynen nutz Die menschen seynd.
 Welche byndern die Pfaffen am
 Gelichen stand. Durch
 Johann Eberlin von Guntzburg Anno.



Argument.

Z Vnnsern zeyten ist der christlich vmbkreyß/ so gar zer-
trent in parteyen der leeren/ das sich des die verstendigē
vnd guthertigen mit allein verwundern/ ya auch beley-
digen/ vñ beweynen müssen/ sonderlich so man befint/
lich erkent/ das vil nötiger sachen/ fur zufallē/ vil götlicher/ vil irrig/
vil heylsamer/ fur schedlich gehalten/ vnd gehandelt werden/ vñnd
vnder schedlichem scheyn wirdt das nütz verlassen/ vnder guttem
scheyn/ das böß angenommen/ das ist/ vmb gots willē hangen wir
dem teufel an/ vnd dem teufel zu leyd/ streyten wir wider got/ ist nit
das (Spiritus cōpunctionis) die größt plag/ vber vnns vonn got
gesant/ so verstand ichs nit baß/ das aber etlich gut hertzig mensche
erkennen mögen/ wie schedlich in hohen dingen/ geirret wurt/ vñnd
doch der erbzal mit schwerdt vñnd harnasch beschyrmpt / will ich
kürzlich in ein groben eusserlichē stück das furhalten / das ist in der
verboten pfaffen Ehe/ wilt du durch/ wider got/ seyn gsetz/ wider
die natur / wider gemeynen menschlichen verstandt wieder alle gut
pollicey gehandelt wirdt/ welches verbot doch yetz so hoch gelobt
wirt/ das man alleer Christlichs wesens darein setz/ ich beger das
der lesir also fur sich nem/ diß mein geschuefft/ das er meer erweg die
vnbillicheyte der sach/ daruonn ich schreybe dann die kleyne meynere
furhaltung/ damit befilch ich mich in aller guthertigen christen ge-
beet/ mit ehrerbietung miene selbs zu Christlicher dienstbarkeyte.



Got hat Elichen standt geboten. vnd

von diesem gebot die Pfaffen nit auß genommen.



Ir lesen im buch der schöpffung am er-
sten. Ca. got hat den ersten man vñ fra. w.
beschaffen/ vnd sie gesegnet vñ gesprochē
wachsen vñ werden gemeret/ vñ erfüllen
die erden / solichs gebot hat got erneuert
vnd meer bestetigt/ redent zu dem Noe
am. viij. vñ. ix. Ca. dieses buchs/ hie ist vñ
got geboten/ der Elich standt/ also das
kein mensch hat sich mügen auß aygnem
furnemen/ an andere grosse vsach (die auch möchten in andern ge-
botten gots dispensyren) des Elichenn stands entschlagenn/ auch
keyn menschlich gebot mag nit vnrecht seyn / das an diesem gebot
gots hundert die vnderthann/ hatt aber got solichs gebot gebenn/
Adam heue fur sie vñ yre nachkūmen/ vñ die Pfaffheit/ Mūncheit/
Nunheyt/ nit darin außgenōmen/ ya alweg habenn sich die Priester
welche wolten got fast wol gefallē. Des gebots furderlich g. flussen.
Abraham was eyn priester/ opffert got angemem opffer/ vñ nam in
seyn alten tagen die dreyt hausfraw. Jacob was ein priester het. iij.
Esfrawen/ also fur vnd fur alle priester biß auff Aaron/ habenn got
gefallen wōllen in fleyssyger gehorsam dieses gebots. Got hat auch
im gsatz Moysi/ klerer wōllen anzeygen das seyn maynung sey. Die
priester sollen weyber haben darumb so eygentlich beschriben wirt.
Leuit. xxi. vnd anders wo/ welche frawen dem priester erlaubt seindt/
welche verbotten zu freyen/ wan darzumal/ was nahe des teuflisch
furnemen. Der goilosen vnder den Heyden/ welche wolten das yre
Priester keuscheyt hielten/ auch yre Mūnch vñ Nunnen/ deren Ex-
empel magst lesen in Hieronimo/ da er schreybt vom lob der Junck-
frawschafft/ da er durch vnchristlich Historien treiben wil/ die chri-
sten zu gewaltigē sich selbs/ zumeyden der geberung. Ich wil Hi- ro-
nimo nicht entziehen/ da durch an seyner heyligkeyt oder kunst/ Ich
wil auch die keuscheyt dardurch nit nachgiltig machē/ aber ich ver-
meyn keuscheyt in sollichem grad lassen bleyben/ darein sie Christus
setzt. Math. xix. vñ Paulus. i. Corinthio. vij. Ich glaub auch das
Hieronimus an keym ort so fast erzaygt hab / wie er etwan mensch-

liche kleyn verstandig keyt nit hab mügen gar abwerffen vonn ym/
als da er will keuscheyt erhöchen/so doch zu vil lob/so schedlich ist
offt vnd vil/ als zu vil schelten vnd verachten/ dann bayde bringen
mit ynen/ein arckwenigen verdacht/ durch vnmaß/ were Hieroni-
mus belyben bey sollichem zyl da er lobt reynigkeyt/ als ein leerer vnt-
serer zeyt in ein büchlein vonn Klöster gelübten/were villeycht die
Christenheit nit so gar vberschwemmt mit vnseglicher/vnkeuscheyt/
darvon sey yetz genug.

¶ Also sag ich/ kein mensch/Pfaff/Münnich oder Nun/ist loß von
dem gebot der Le ye gefeyn/ das hat wollen leben nach den gebottē
gots/an sonder dispensatz durch götlich offenbarüg/od offne not.

¶ Die Münch wollen yre weyß des lebens ziehen auff die kynder der
Propheten/von den.i. Reg. xix. vnd am iij. buch im. ij. capi. auch
auff die kynder Rechab. Hier. am. xxxv. capi. Aber keyn verbott der
Le/mügen sie von diesen abmalen/vnd hilffe nit so man sagt/in der
newen Le ist ein anders/du magst mir keyn geschrieft bey bringen/
da Christus oder seyn iunger leeren ein priester/der brunst seyns leybs
befindet/nit sol zu d Le reichen/oder das alleyn solle priester werdē/
welche sollich brunst nit befinden/ du hast die ordnung der alten Le
yetz vernommen geschrieft der newen.

Schryfften des newen Testaments

von der pfaffen Le.

¶ Im ganzen Euangelio vonn den. iij. Euangelisten beschrieben
magstu keyn behelff nemen für das vn Sinnig furnemen zu weren
pfaffen Le/ das Christus vnd sein mutter seynd Junckfrawen beli-
ben/ist vber menschlich/ya ganz götlich wunderlich/soll von vns
nit mütwilliglich zuworston werden/ als möchten wir es erfolgen/
Christus sagt Math. xix. Capi. der weyber sich enthalten/ vermag
nit yederman/alleyn die es von oben herab haben/ wer sollich gabe
befindet bey ym selbs der erlaß den Felichen standt anzufahen. In
diesen wortten will Christus meer abschrecken vō freuenlichem fur-
nemen an weyber zu leben/ dan dartzu rayzen/ Christus zeygdt wie
schwer sey an Le weyb zu leben/vnsere Pfaffen/Münnich vñ Nun-
nen/zeygen wie leicht sie also leben/ ziehen darauß mit Hieronimo
ryß vnd rapß/stuel vnd bencel/ob Christo oder Hieronimo meer zu
glaubē sey vrtail ein christen mensch/du sagst/Le ya du wilt keuscheyt
abtreiben/ ich antwurt/ Christus leeret keuscheyt vnd hertzliche

ware Keuscheyt / vnnnd so ich sein lere furhalte / treybe ich Keuscheyt nie
ab / meer richt ichs auff / dan got gefelt meer ein Keusches mēsch / das
von hertzen Keusch ist / dan tausent vnkeusche Keusch geyster / vñ geys-
sterin / ein reyn gewissen bestat bey Relichen wercken / vnd gefelt got /
ist auch sicher vnd frölich / bey yr selbs / vnd ist starck zu leyden vmb
got / Exemplū zu zeyten der marter / ein Keuscher leyb / mit bunnst / vnd
vnreynner gewissen / mißfeldt got / ist keyn auff enthalt da / dan men-
schlich lob / vorcht der schmahē / vnnnd vngedult zu allem leyden / yetz
vireyl ein gut hertz / wie der weeg gang zu dem zil aller Christenn der
do ist / wollen got gefallen durch Christum.

¶ Relich pflegen zu sagen Johannes Euange. sey von Christo be-
ruesse von der hochzeyt ehe dan er bey geschlaffen hab / das ist Sabel
ia lufft / vnd vnrester dan lufft / liße Eusebiū Pamphili in Hystoria
Ecclesiastica / da findest auß alten Hystorien / vonn der Apostel zeyt
her / welliche iunger Christi Leweyber gehabt habē / auch S. Paul.

¶ Es ist ein grosse torheyt / so man ein andechtigen geystlichen chri-
sten wil verstou oder vorbilden / das man vermaynt / Reliche gehor-
sam mache yn vngeystlich / das doch wieder alle gemeyne Hystorien /
des alten vnd newen Testaments ist / vñ ich mich beschirmen must /
da ich vor. ij. wochen / bey gelerten gotzforchtigen leuten was / vnnnd
wolt anzeygen es wer ein abgang am lob des andechtigē menschen /
so er Relichs stands wer / sagt eyner zu mir diß wordt / eben als wer
Relicher standt widerig d̄ geystlicheyt. Da ich diß wort gehört hab
gedunckt mich got hat mir zu gesprochen / vnd meyn herlich red ge-
strafft als die rede Helye. Job. xxxviij. ein geystlich hertz ist / das seyn
erawen vnd hoffnung enzeucht von allem / das nit got ist / vnd setz
es allein in got durch Christum / vnd bücht auß in mügliche dienst-
barkeyt des nechsten vmb Christum / ein sollicher mēsch ist warlich
vnd christlich geystlich / vnd keyn anderer. Ja. i. ein sollicher mensch
hat offte bass stat in Relichem standt / dan in enthalter reynigheit des
leybs / als ich bewerenn wil / istz gots wil in eynem büchleynn vom
Klosterstandt / wieder die yre töchterleyn in klöster zwingenn vnnnd
dempffen. Es soll bald außgon.

¶ Man mag auch kein befelch haben / auß der ersten Epistel zu den
Corint. Cap. viij. wan eben das selbig Cap. ist fur mich / aber der vn-
menschlich grauē (von got vber die welt geschickt) hat hye vnnnd
anders wo allenn geschriefft / das hynder herz fur gethonn vnnnd
wiederumb.

A Paulus spricht es were gut kein weyb freyen/vnd ich sage/ es were gut nit speyß noch schlaffe bedürffen/so wer ein andechtig mensch/vil hyndernus des contemplieren in lesen/ vnd betrachtung heyliger geschriefft ab kommen/ Aber so eyner sollichen abbruch leeret/ wirdt er entgegen habenn tausent eyrede der vnmüglicheyt halb/ die gott wieder geraten noch gebotten hat/ vnd nach vnser art/zeyt/ ort &c.

A Meer/tölich wer sollichs wollen hefftiglich den leuten einreden dann chustlich/mann sagdt/ob schon Chustus gefastet hat/auch Moyses/vnd die seligen nimmer essen noch trincken/vermögen wir doch es hye nit/ es were dan das got an eynem mēschen wolt sündere wunder wirken/das sol mann lassen seyner beruffung nach kommen/doch auch acht darauff haben/das er nit meer eyner dringnuß volge/dan gottes geyst/ aber darumb/sol man nit gemeynlich predigen/vnnd geschriefft darauff treyben/vor allem volck/es wöllent auff ganzen abbruch zu treyben/darauff gross schadē entsteen wurde persönlich vnnd gemeynlich &c. Vil besser ist mann leer das volck messicklich gebrauchen speyß vnd tranck &c. Ist nun das von speyß vnd tranck/zunemen/warumb nicht auch vonn frawen lieb/vonn wercken der geberung? vnd das hat erkent Paulus/darumb sagt er **E**s were wol gut an weyb seyn. Aber vnser boden leydet es nit/darumb soll yetlicher mann seyn eygen Ehe weyb haben/vnnd yetliche fraw ein Eeman/hürerey zu meyden/vnd sol eyns dem andern Eeliche gehorsam leysten/ ich wolt wol das er all möchten erlassen der werck halb/ewer Eegmahel/ aber nit all haben diese gab vonn got/die gaben seyndt vngleich/eyner hat dieß/der ander yensß. **E**s ist gut an ein weyb seyn/ wer gab von got hat/welcher aber grossen brunst seyns leybs befindet/dem ist weger er nem ein weyb/dann solchen gefährlichen brunst leyden/dardurch er möcht in hürerey fallen.

A Das aber Paulus radt gibt/ man sol an bandt der Ehe bleyben/sol also verstanden werden. Zu der zeyt grosser verfolgung/vmb des glaubens willen/das eyner lediger sey zu fliehen/ oder sich selbs wagen in gefengnus/vnd todt vmb Christum/ vnd doch auch befinde in ym selbs die gab der reynigkeyt von got/wa das nit ist/wer auch besser ein weyb mit furen auch in mittel der arbeyt/vnd geferlicheyt/ als Cephas vn̄ ander Aposteln. i. Corint. ix. Ist so ein mensch auch außserhalb der verfolgung/befundt sich gleich geneygt/ zu der Ehe vnd zu reynigkeyt/ hat aber grossen anmüt heylge geschriefft zu lesen hören betrachten/betten/Den armen hilfflich seyn/sollichen were &c.

ratte/ sie blyben an Legemahel/ das sie gemelter vbung/ möchten
freyer anhangen / vñnd darauff gadt das ander halb teyl/ des. vijs
Capitel oben angezeygt.

¶ Das ist da Paulus sagt welche in die Ehe kummen/ zu seyner zeyt
der verfolgung / werden trübsal des fleyschs haben/ vñnd sorgfelig.
So weyb vñnd kynd nit leichtlich zu verlassen seynd. Also das sie nit
abziehen von grossen leyden vñnd Christum. Auch vil hinderen/ an
emsygem anhang gemelter vbung. Doch sagt er/ solliche seyne rede
soll also angenommen werden. Das doch nyemandt da durch vn-
weyßlich gefangē werd. Auch Christus. Matth. xix. Zeyget an drey/
erley menschen mit den er Dispensieret das sie nit verbunden seyndt/
dem gebot Zeliches stands/ vñ spricht/ es seyndt etlich Keusche/ dan
sie seyndt vñnmüglich zu Zelichen wercken/ von mutter leyb an/ Et-
liche das sie seyndt berawbet durch die menschen/ sollicher müglig-
keyt/ etlich endthalten sich darvon/ vñ wegen des reychs der hymel/
das ist vñm sollicher vbung willenn/ darvon Paulus sagt / oben. i.
Coimt. vij. vñnd setzt Christus hyn zcu/ wellicher es begreyffen mag/
der thu es. Als wolt er sagen/ ob schon eyner vermeynt das reych d
hymel / das Euangelisch geschöpffe/ ein christlich volstrecken/ vñnd
darumb sich endthalten / vom Zelichen standt/ der sey nit zu vnbe-
dacht/ aber er besuch vor bey ym selbs / ob er die gab d Keuscheyt vñ
got hab oder nit/ das besser ist bestendig bleybenn/ auff dem mittel/
dan wellen auff den spyz steygen vñ schedlich wieder ab fallen/ als
anzeigt auch die Parabal/ vñnd dem vnweyßen man/ der ein hauß
wolt bawen/ vñnd hett nit gnug zerung darzu / müßt es vñnderlassen
mit spot das angefangen werck.

¶ Wir haben gelesen/ was got vñnd der pfaffen Ehegeret hat/ im
gesetz der natur/ im gesetz Moysi/ herent was gebent er durch Pau-
lum im newen gesetz. i. Thimo. iij. Leret Paulus wie ein Pfarrer soll
erkant werden tegenlich zu dem Ampt/ erzelet da vile eygenschafft/ er
soll eyner frawen Ehe man seyn wolgezogen kindt haben/ vñnd eyn
erber christlich weyb/ also redet er auch vñnd den Diacon leeret solichs
auch Tit. i. Capi. vñnd baldt darnach im. iij. cap. zu Timothy. war-
net er yn vor den leeren/ darynn die Ehe verboten wirt/ als vor teufels
leere/ ich bit dich lyß/ das. iij. vñnd. iij. cap. der ersten Epistel zu Thi-
mo. vñnd das erst cap. zu Tito/ vñnd bedencet den text wol/ so wirstu
dich verwundern/ ob der verfürische blintheit etlicher text im geyst-
lichen rechten/ Nämlich Dist. xxviij. xxx. xxx. xxxi.

¶ Die heyligen Christen haben auch wol ermessen/ das pfaffheys
an Kelichen stand schedlich wirt sein/sonderlich/ Sinodus Nicena
vnd Sinodus sexta/ als wir haben Distin. xxxi. cap. Nicena Syno/
dus. cap. Quoniam. darann sie solten nachmal/ volgende Concilia
gehalten habenn/ so sie doch obgemelte Concilia approbieren/ vnn
schier den Euangelien gleychen / aber so man so deutlich vnd offen/
lich ab weycht von Euangelien/ ist keyn wonder/ ob man Euange/
liste Concilia fallen last/ halt zusamē das. iij. cap. Pauli ad Timo. i.
vnn das capitel Aliter. Distin. xxviij. Ex facto Concilio arelatens/
vnn schier die ganz Distin. xxviij. vnn merck/ ob nit das Concilij
Endtchristlich sey/ was ist aber doller/ dann das lezt. Capi. Distin.
xxx. da Stephanus oder Gracianus wöllenn Christum vnn den
teufel verthedingen zu gleycher warheyt.

Die keuscheyt gemeynes pfaffenn

standts ist freuenlich gefarlich.

¶ Auß kurzer anzeygung ob vernūmen / volgt das gar ein freuenlich
ding ist/ so ein mensch sich des grossenn wonders vnderstat/ keusch/
lich zu leben/ an mercklich lang befinden götlicher gabenn/ vnn an
fleissygen rat in schriefft oder bey gotsamen menschen ersucht/ vnn
ein solch mensch sich selbs gibt in grosser geferligkeyt der vbertretung
gots gebot/ menschlichs furnemē ist vnstet/ das iar ist lang / der tag
vñ stund seind vil. Nyemant weysß was der spat abent bringt/ son/
derlich so got vns nit verheysen hat/ an not/ beystendig seyn/ wunn
zu stiffen. Er hat auch sonderlich auß genūmen die wunderbarlich
keuscheyt/ das sie nicht yederman wirdt geben. Math. xix. als oben
gnug gezeygt ist/ wunderwerck zu stiffen ist vülen gebenn worden
Aber nicht also die keuscheyt/ noch freuenlicher thund die Prelatenn/
welche wöllenn/ mit yren gesetzen/ bynden die pfaffheyt zu enthaltung
vom Kelichen stand / vnn stellen dardurch nit alleyn die pfaffen/
sonder auch sich selbs vñ ein ganzē policey in groß gfar vñ schadē.

Frembder lund werden sie teylhafftig.

¶ Ich gedencck offte warumb Doctor Johan Gayler / so vil wieder
riette den geystlichen Prelaten stand/ zu vnserer zeyt vnn ich mercke
wol yetz ob keyn gefarligkeyt darinn wer/ dan allein das verbot/ der
pfaffen Ehe / wer es doch billich ein bodenloser gump der sunden
zu nemen.

¶ Mercken würdigenn herren/Bischoff/Probst/Ept/vnnd andere
ewers gleychen/got gebeut das yr verbietē/got erlaubt das ir sched/
lich vrteylen/got erkent vnsē blödigkeyt/vnd gibt yr nach/ als ein
barmhertigen vater/vnnd ein gnediger herz. Darauß wir sein gunst
erkennen vnd loben sollen aber menschlicher gewalt/ sey Bepst oder
Concilia/achten vnsē blödigkeyt gar nicht zwingen vns bey leben/
digem leyb/in hellischenn Kercker. da ein böse gewissen in brinnenden
leyb gefangen lygt/ darauß volgt in klarē verstand / das diß verboe
vnnd pfaffen **E** teufflich ist wie es Paulus nennet/vnnd da durch
der fiend der teuffel seyn mutwillen vbt an dem christen volck.

¶ Habenn yr got lieb/wie mügt dan yr leyden souil vbertretung sey/
ner gebot / dar vor yr wol seyn möchten / wo yr abliest vonn diesenn
Tirannischen verbot/welcher euch vrteylt/als habt yr ein gefallen
ab der gölichenn beleydigung/ ya als ob yr ein freudt habt / wee yr
mügen got ein trutz oder vneer zufügen / thut euch nit fast vnrecht
nach eußerlichem scheyn/dann so yr woltenn/ wurd auff ein tag
hundert tausent todsund vnderlassen/die furgend/an gesicht/geber/
de vnd gedancf/ich geschweyge der werck. Da vor der **E**lich stand
wer/dan yr den pfaffen verbieten. Lieben herren bedencfē euch eyns
besseren/ich mag wol gedencfē/yr seynd im grund nit so bößwillig.
Das yr müdelich diß vnnderstanden wieder got/aber der teuffel eyn
seynd Christi vnd aller christen/rayzt euch dartzu wil mißbrauchen
ewren gewalt/ zu der beleydigund gottes. Darumb seind gewarnet/
vñ segnen euch vor dem teuffel/nit alleyn mit dem zeychen des creuz
sonder mit fleißygem lesen der heyligē gschufft/ vñ andechtigem ge/
bet zu got/ dardurch yr geleert werden/teufflich listigkeit erkennen/
vnd ewr vnderthone wol zu regieren.

¶ Haben ir auch knechtliche forcht gots/warumb furchten yr nit
seyne drawung / da er denen so ergernuß gebenn/ vnmesliche penen
drawet. Math. xvij. Capi. **O** wie groß vnd vil ergernuß legt yr an
weg durch diß verbot/augen hend/ vnd fuß sol man abthon/so sy
zu ergernuß dienen/wievil mer ewrerrisch schedlich verbot/yr seind
beladen besorg ich/genügsam mit aigen sunden / durfften nit frem/
de auff euch hauffen.

¶ **E**s seind etlich bischoff/meyns geduncken/ gütherzig vnnd ynen
möcht wol zeit raten seyn/ denen beger ich geratten werden. Etliche
seind so verstockt vñ hardbanig das sie mit gewalt wellen got wie/
der streyten/vnd dem teuffel anhangē/so sy ein freud haben ob dem

B

büßlichen geroynt/ den sie von pfaffen hüren haben/ vñ lieber eynem
sehen huren zulieffen / dan das sie eynen lieffen Zelichen stand anneh-
men/ Würdigen herren. So yr verbieten pfaffen Ehe/ oder das ver-
bot handthalten/ oder ein Zelichen pfaffen verdammen/ vñnd ver-
treybē/ was thunt yr anderst dan das yr wöllen recht vndertrucken
böß auffrichten/ euch zu schaden an eer güt/ leyb vñd seel/ als er an-
fahen befinden/ vñd besorgen ist/ ewigklich nit daruon erlöst werde.
¶ Ich hab euch kyndtlich vñd freundlich vermanet in eynem bü-
chleyn an euch gesteldt/ da ich zu Leypsig vor. iiii. wochenn Franck-
lage/ vñd auß begird ewers nutz/ vñ hail eylendt ließ außgon / solich
büchleyn/ auch mit ergebung meyn selbs in gespot vñd verachtung
der widerspennig/ hilfft es so helffs Ich hab das meyn gethon.
¶ Ich sag auff meyn christenlichen ayd/ ich wolt lieber teyl habenn
an aller huren wirt/ vñnd wirtin seynd/ die in Schwaben/ Beyren/
vñnd Reynstram seynd / dann eynes Bischoffs / der do freuenlich
handthabt das verbot vonn pfaffen Ze/ wee diesen seelenn mördert/
natur schender/ landtschedern/ kerem vmb/ kerem vmb/ das euch das
vrtail gots nicht begreyff.

Sollich glets ist auff das hochst sched- lich gemeynem nutz.

¶ Sagen mir yr Prelaten die sollich verbot handthalten wöllen/
vñd auch yr andere Christen/ die ein wol gefallen ob sollicher handt-
lung haben/ wie möcht land vñnd leuten grösser schad wiederfaren
Dann durch sollicher verbot. Ir befinden an euch selb/ vñd erfahrung
gibt es andern/ das pfaffen nicht vermügen keusch seyn/ an wirt/
derbarliche mit wirckung gots / die er gar wenigern gebenn will/ so
müssen die pfaffen vñder gemeynem volck wandlen vñnd handeln/
haben auch dartzu/ eer/ güt/ müß/ Ist auch in ein buch komme das
sie an sondere steuer/ groß straff offentlich huren/ vñnd kynd haben.
Was volgt darauff in gemeynen policey der stet/ vñd land? Ich sag
es volge das gröst vbel / ob schonn wieder got noch helle werenn.
Das bewere ich also.

¶ In eynen wolgeordneten der land / haben auch Heyden mer auff
sehen gehabt/ auff gut sytten dann auff reychtumb oder lust. Vñnd
allen yren fleyß gericht da hyn/ das der Zelich standt eerlich bleyb/

die Kynd wol erzogen/ vnd das gesind in zucht gehalten wurde. S.
nun die pfaffen am erlichsten ort sizenn/ auff die alle andere ein auff
sehen haben/ so wirt yr Exempel ein richtscheyt seyn der andern/ ist
aber ein pfaff ein Zurer so ist alle zucht vnd eer loß worden da mag
kein predig/ keyn gesetz souil auffrichtenn/ als ein huren pfaff vmb
wirfft durch teglich bey wonung / wie mag der pfaff einreden dem
schlechten volck / sie sollen vnkeuscheyt meyden als grossen schaden
So er selbs vmbhencft ist mit huren/ als ein vesper bild mit liecht
leynn / oder meynestu das eyn verhurter pfaff mag hertzlich wider
vnkeuscheyt reden/ vnd zu reynigkeyt vermanen? Meyn neyn/ auch
Tullius sagt/ niemant mag hertzlich reden vonn eyner sach die ym
selbs wiederig ist. So es dem pfaffen wol gat an leyb/ eer vnd gut/
in seyner büberey/ so achtet das volck got straffe Zurerrey/ Leblich
nit so hart als die geschuefft sagdt/ was soll der Schulthayß vnd
Pawren sich furchten oder schamen Ze zerbrechen/ so der geweyche
pfaff es offentlich thut/ was lernet dein weyb bey den pfaffen huren
Was dein tochter vnd magt/ Ja dein sun dein knecht/ alle zucht selz
ab wie in eym dorff oder stat ein huren pfaff ist/ wie mag dir grösser
rer schad geschehen/ dann an deyner haußfraw kynder vnd gesynd.

¶ Ein pfaff der ein Consciensz/ hat als er haben soll/ vnbroegen der
Zurerrey vnd nit an weyber mag seyn/ vñ ym keyn Zefraw erlaubs
wirt zu nemen/ lebt also in Zurerrey auch offentlich/ muß predigen/
die Sacrament reychen zc. Der wirt gar verwoegen in ym selbs/ entz
pfelet ym alle zuuersicht zu got/ wirt ym darnach keyn büberey zu vil
Meynestu das er sich anneyner laß benügenn / er sicht ewer weyber
töchter vnd magt teglich vor ym/ auch wirt von ynen gesehen. Er
hat eer/ vnd gut/ mag vnd vil außgeben/ es ist zu vormutten/ er henz
ge ym selb denn zome seynem begirde / auch der Teuffel treybt ewer
weyb vnd kyndt zcu liebe der pfaffen/ zcu merer bleydigung gottes
vnd schmach/ ist zubeforgen/ es hab offt ein pfaff souil schlaff wey
ber/ als dorff weyber/ glaub den erfarnen/ bey wonung thut vil. Got
behüt aller frawen err vnd selenn. Das beycht hören thut vil hylff
dartzu/ darin erlerner werden/ die heymliche neygligkeyt frawenlich
er hertzen zc. Aller dieser vnrat vnd vnfal in eyner gemeynn / seynd
Bischoff vnd Prelaten schuldig/ noch findt man klerlich leut/ weh
liche sagen/ Pfaffen Ze sey vnrecht/ vnd man soll sy weren.

Höre du nerrischer mensch / were ein Paur im dorff wellicher off-
enlich sündet. Ob man yn ließ im iar. iij. mal zu dem sacrament gon
in seynem sündlichen scheyn / keme ein hagel diß iar vber das dorff /
man schry mordt vber den Schulthais / er ließ den büben im dorff /
ynen allen zu götlicher straff. Nun seind so vil pfaffen in ain flecken
die teglich die hayligen Sacrament handlen / entpfahen vnd geben /
das gots wort predigen / vñ bleybē offenlich in sündlichem wesen /
wie kan geluck vñd heyl in dorff / stat / land / sein. Es ist ein wunder
das nit das hellisch feur vber vns herab kompt / mir zweyfelt nicht
diese sünd vñd ergernus sey ein vrsach der grösten plagen / die etlich
iar vber vns kommen sey / vñd nach komme / welcher mensch lobt
sollich verbot der pfaffen **E**e vñd hilfft handthaltten / oder ein ge-
fallenn hat / ob dem das es gehandthabt wurde / der thut nit kleyner
sünd. Dan so er ein Crucifix verspewet / ya alle solich seind feynd got-
tes vñd eyns gemeynen nutz / vñd sollen auch für sollich gehalten
werden / vñd gestrafft.

Man sagt / wan die pfaffen weyber nemen / so wurde das kirchen
gut gemyndert / das ist nit war / eyner hat ein ampt von eym herren /
so er stirbt bleybt den kynden was er das Ampts genossen hat / das
ampt beleybt frey / vñd gang dem herren. Also auch ein pfaff hat
ein pfrund / was er dauon geneust / beleybt den kyndenn / so er stirbt /
felt die pfrund wieder dem lehen herren haym / du sprichst ey ia. So
wurden alleyn die reychen yr genyessen sage ich / mustu doch yetz ley-
den das allein hüren der pfrund genyessen.

Die pfaffen wurden auch nicht also vnmesygerenn. So sie ge-
dechten / **E**er guet bleybe eelichenn weyb vñd kyndenn. Ire predig
wurden auch vil mer / frucht bringen / so ma. ynen nicht auff hube
yre weyber / vñd vil priester seynd anderer laster ledig / vñd weren er-
lich / nutz / radelich leudt / wa sie ein weyb mit got vñd eeren haben
möchten.

Ist nit das ein vnsynnig ding / die natur hat den pfaffen gebenn
lieb wie andern mannen / liebe zu den frawen / begird zu geben / vñd
man wil so offenlich der natur / widerig seynd / vñd sie dempffent
mit diesem verbot die **E**e was sol anderst volgen / dan außbruch der
neyglicheyt / zu allenn bübereyen als man yetz leyder sicht / Hürerey /
Eebuch / werck mit blüt verwunntenn / ya Sodomi were / nymmer
so gemeyn worden / wer das teuflisch verbot der **E**he nit auffgelegt
worden / den Pfaffen / Mönchen vñd Nunnan / lese die Epistel S.

Obalrici die er schryb vō Augspurg/ dem Papst der da wolt sollich
verbot aufflegen.

¶ Das sollich verbot in krafft bleybt/ ist fast des gemeynen manns
schuld/ welcher wil man sol den pfaffen nit weyber geben/die sollen
wissen das ynen besser were das ertrich verschlunde sie/ vñnd sollen/
wissen das sie des teufels rat volgē dar durch sy redt. man acht eyne
vnerlich so eine ein pfaffen zu der **E**e nimpt. Ich sag es ist erlich vñ
wolgethon. Es gefelt gott den heyligē cōcilien/ es ist gemess d natur
vñnd rechter vernunfft. Ja auch verstendig der christenlichē gemeyn
vñnd ich glaub/ so eyne ein pfaffen zu der **E**e/ nympt. Es sey eyn
zeychen das sie ein **E**erlichen chustelich maynung/ der ee hab/ so sie
sich ergibt in so vil nachrede d narren. Ja auch menschlich zu reden
mag man achtē die ee werd wol geraten/ so mit gūten vorbeclanck/
in so mangerley reden/ vñnd on ansehen anderer ding/ dan alleyn pers
sonliche lieb vñnder ein ander/ sollich **E**e beschlossen wirt.

¶ Darumb lieben freund schemen euch nicht ewer kynd oder freund
den pfaffen zu der **E**e geben/ vñnd ir meydelein schemen euch nit sie zu
der **E**e nemen/ sollich scham ist vom teufel erwegt/ achtē yr nit/ bittē
got vñnd radt/ darnach volgent ewren eltern vñnd gots forchtigen
leutten/ lassenn euch nyemandt daran hynderen / achtten nit ob yetz
etlich Tyrannen den pfaffen gut vñnd eer nemen wōllen/ got wirt in
sollicher verfolgung mer freud geben in ewer **E**e/ dan alle Tyrannen
haben in yrem sciden / ich habs yetz an vil pfaffen **E**e erfahren/ das
got mit ynen ist.

¶ Ich weyß wol etlich werden sagen/ ich mache mir ein vorsecht/
das ich auch mit glimpff ein weyb mīg nemen/ sollich rede acht ich
nicht/ ich bit got das er mir geb seynen willē recht zu thun/ auß oder
in der **E**he/ vnangesehen was die narren klapperen/ vileycht möcht
meyn **E**e got/ vñnd der chustlichen gemeyn so löblich seyn als ewer
pfaffen / vñnd klosterleut keuscheyt/ ich byn aber noch frey von allen
beyden/ got gebe mir meyn freyheyte wol anzulegen.

¶ Nun sage ich / wolt yr geluck vñnd heyl haben/ an leyb eer gūt seel.
So radten vñnd helffen das ewer pfaffen **E**elich weyber habenn/
welche Bischoff euch sollichs wōdienn will / des gebot solt yr nicht
achten ya verachten/ ewr nutz am gūt / ewr eer an weyb vñnd kynd/
eur heyl an seel/ sol euch mer gelten/ dann der Bischoffen vñnd herren
teuffels gebot/ welcher pfaffteyn **E**weyb wil haben/ den vertrey
ben/ sonderlich so er verdacht ist mit hūren.

Ich mag wol gedencen welcher pfaffe ein eueyb nem der werd
getryben von got vnd gewissen / Darumb er sich auch gibt in mens
schlich verfolgung vnd vnru / Ze dan er das yinnerlich veruolgen
leyden will/dan ein pfaff hat meer lust eer nutz/ vnd fryd zu vnser
zeyt bey .r. huren dann bey eyner Kefrauen/ Wa er nit meer acht
welt gots dan des lust/ vnd wo eyn solliche gewissen in eym pfaffen
ist/mag ein Junckfraw wol vermitten sich alles guts zu ym/seynn
gewissen werde yn auch treyben das er seyn weybe/ freuntlich vnd
Christlich halte.

Mir zweyfelt nit/wo die pfaffen von der Hurerey in Kelichen
standt dretten/der vnflut des bubben geschwurms in allenn stenden/
wurde bald auß ster vnd land getryeben durch yren radt vnd hilff.

Elich sagen/solt ein pfaffe eyn weyb nemen/ so must er alleynn
eyne haben/vnd nach yrem tod/ob er schon iung were / must er on
andere Kefrauen beleyben / oder durfft keyn wytfrauen zu der Ke
nemen/ob eyne fur yn were/ ich sage/du magst sollich nit bey bun
gen/durch geschryfft darumb ist es Sabel werck/die worde Pauli. is
Thimothe. iij. Werden auch sollich nit gebenn / Paulus will eyn
Pfarrer sol nit meer dan ein eueyb haben/vnd verbeit nit/das er
nach des weybs todt / muss weybbloß beleybenn / das gsez Moysi
wirt yn auch nit binden/ein Junckfraw zu nemē/ vñ keyn wytfraw
Er wirt auch nit gehindert in seyner pfarr ein pfarr kynde nemen/
Darumb das er getaufft hat zc. Als yetz in anderer leerer geschryffte
auß der Byblyen bewert wirt.

Ein beschluß aller obgeschryb ner materi.

Welcher verberwt pfaffen ee/ oder hilfft vnd radt/das sollich ver
bot gehalten werde/ Sunder wider gott vnd seyn gesez/ ist eynn
schedlich mensch ganzer Christenheit / so doch alle göliche/natur
liche/vnd vernunfftig menschen gesez/ den pfaffen Keweyber zu
last/wellicher hilfft vnd radt zu pfaffen ehe/ynn götlicher forcht
Sey gebenedeyet von got/ vnd von allen frommen Christen.

Zu dem leser.

Dis hab ich wol bedacht/ aber eylendt geschriben/darumb nyu

es ynn guttem fur. O chriſtlichem leſer/der bott eylet/vnd wolt ich
eulich erber Prieſter nicht vngetröſt laſſen/die ſych trawen radt zu
wir verſehen.

3. E.
m. W.

Verſtand mich recht.

Ein kurtze dyemuetig Supplication.

Zu den W. Herren Biſchoffen.

ERwirdigen herren/yr befinden an euch ſelbs/vnd yr lernen in
teglichem exempel in aller welt/leſen auch in büchern/die bloß/
digkeit menſchlicher natur / ſonderlich der enthaltung halb eelicher
werck/ Vnd wirt gnügsam erkant/was vnradt enſtanden iſt/ ſo
man wieder das gebot Pauli/ den pfaffen auffgelegt das verbot der
Ehe/begere ich ann euch/an aller frommen pfaffen ſtat/durch gott/
durch ewr ſelen hail/durch alles guts/das er nit alleyn Chriſtlichem
weſen. Sonder auch menſchlicher Pollicey ſchuldig ſeynd/als trewo
mitburger/yr wöllen ablaſſen vonn der veruolgunng der Prieſter/ſo
ſich in Eelichen ſtandt begeben/dartzu ſy doch alleyn yr gewiſſenn/
nach heyliger geſchriſt reguliert/treybet/ Grewen euch/ das got der
Pfaff heyt ſollich liecht vnd eynſpruch gibt/Geben doch gots wir/
ckung ſtat vnd hynderen yn nit/ das nit der groſß vntreglich zorn
vber euch kome/dann warlich ich hab ewr groſſe ſorg/euch ſey vn/
glück nye ſo nach geſeyn/vnd ob yr etwas entſchuldigung möcht
furbringen/ Darumb yr yetz ſo wiederſtreben fur lauffenden ſachen/
ſo iſt doch keyn ſache da / die yr mügt den Eelichenn pfaffen wieder
ſtellen/ dan die erkandnuß lygt offenlich am tag/ fur die pfaffen/iſt
ein ſynclein güetes gaiſt in euch/werden yr furohin vnuerfolgt laſ/
ſen Eelichen pfaffen/vnd ich byt gott das ich von euch erhert wer/
de/vnd yr gots fraynd werden/ vnd bleyben Ewiglich. Amen.

Faint, illegible text at the top of the page, possibly bleed-through from the reverse side.

Faint, illegible text in the upper middle section of the page.

Ein kurze Beschreibung der ...

Main body of faint, illegible text, likely bleed-through from the reverse side of the page.



75 A 6539

ULB Halle

3

004 382 706



f







So ein Priester kein E-
 onchristlich und sched-

n nutz Die menschen seynd.
 dern die Pfaffen am
 n stand. Durch
 n von Guntzburg Anno.

